



## საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

### ვეფხვაძე ივანე ალექსის ძე



ვეფხვაძე ივანე ალექსის ძე (18. II. 1888, თბილისი, – 13. IV. 1971, იქვე), ფერმწერი. საქართველო. სახ. მხატვარი (1965). დაამთავრა თბილ. სამხატვრო აკადემია (1928), მისი პედაგოგები იყვნენ გ. გაბაშვილი და ე. ლანსერე. შემოქმედების პირველ პერიოდში ხატავდა ძვ. თბილისის ამსახველ კამერულ სურათებს: „მზითევის გადატანა“ (1918, კერძო კუთვნილება), „თავადები და მეღუქნე“, „თბილისელი ვაჭრები“ (ორივე 1918, კერძო კუთვნილება), „ძველი თბილისი“ (1930) და სხვ. სურათების გარდა (პორტრეტები, პეიზაჟები, ინტერიერები), ვ. ხატავდა ფერწერულ აბრებსა და კინოპლაკატებს (იყო ერთ-ერთი პირველი კინოპლაკატისტი). თბილ. აღმასკომის მუზეუმის დაკვეთით [ამჟამად ი. გრიშაშვილის სახ. თბილ. ისტორიის მუზეუმი (ქარვასლა)] 1927–30 მონაწილეობდა ძვ. თბილისისადმი მიძღვნილი ნახატების სერიის შექმნაში („ძველი თბილისის პეიზაჟები“). საქართველო. სახელმწ. მუზეუმის ბოლო. განყ. ბისათვის შეასრულა სავიტრინე პეიზაჟი – პანორამა (ამჟამად ს. ჯანაშიას სახ. საქართველო. მუზეუმი). შემდგომში შექმნა რევ. მოღვაწეთა პორტრეტები. ბოლო პერიოდში მიმართა ისტ.-რევ. და ჟანრულ თემებს: „გენერალ-პოლკოვნიკი კ. ლესელიძე სვანეთის მთებში“ (1942), „სამგორის მშენებლობაზე“ (1948) და სხვ.

